

D. O. M.
QVÆSTIO MEDICA.
PVBLCIS DISPVATIONIBVS DISCVTIENDA
IN SCHOLIS MEDICORVM. DIE IOVIS XXVII. SEPTEMBRIS HORA OCTAVA MATVTINA.
MAGISTRO PETRO IAMET Doct. Med. Moderatore.

An Sanguinis Transfusio salubris.

20

HOMO, qui vera est *ἀνθρώπου φύσις*, universam, quis credat? habet intra se Affricam: ex illius misera corpore, quotidie novi, monstrosique aliquid affertur. Nuper audiebatur inaudientia grassari dysenteriae genus, hodie *αυξανδον*, seu scorbutus qui latebat *ἐνδύμνος* in Septentrionalibus, nunc ab aquilone se diffundens sit *ἐνδύμνος*, nostrasque temperatas regiones incipit infestare. Cras forsitan orietur species febris nothæ nota nemini, de quâ ne verbum ab antiquis: ita ut qui non nisi eorum perspicilio vident, nilque putant in doctrinâ sanum, nisi sit seum, ex eorumdem pomariis super hac re, fungos tantummodo vetustos collexisse videantur. Meo iudicio sapientius ab iis ageretur, si rationem cum experienciâ sequerentur antiquissimam & meo iudicio magis politicè, si pro novis debellandis monstris, novas interdum machinas adhiberent. Nos ideo quoniam variant morbi, variabimus artes.

SED prius, quia illi monstri foetus? unde & quânam tempestate sic profluunt? tanquam ex pyxide Pandoræ veniunt omnes de venis, parentes suos agnoscunt *πατρὸς ἔσση* vel *γενεῶν χυμῶν*, eduntur in lucem, dum interpellato calore nativo regnat æstus ascititius, tunc enim purum cum impuro concubens generat id quod animali noxium est, sanguinem videlicet calidiorem vel frigidiorem, tenuiorem vel crassorem, nitidiorem vel turbulentiorem. Infelix homo? quis liberabit cum demonstis corporis eius? quis illos abortiuos, & ex illegitimo concubitu natos prohibebit? rem totam fortè præstabit legitimum Matrimonium, consulamus naturam opt. in omnibus matrem & magistrum, quid in foetu materno gerat ipsa, suos dum filiolos nutrire, fovere, atque conservare intendit? heu, delicatuli, sanguinem fugant alienum *ἐκ τοῦ μητρικοῦ καὶ πατρικοῦ*, naturâque ipsa ipsi transvasat liquorem de venis ad venas, unius in alterum animantis.

NONNE similiter saltem ut auferatur intemperies idem operari licebit? pro valetudinario sanum, pro crudo coctum, pro impudico pudicum elutriare. Iam in ægotante videre mihi videor totam tumultuantem Pharsaliam, hypochondria ob murmurant, vasa distenduntur, tumescunt, æstuant, humidum nativum absumitur, partisque siccitate dehiscunt. Disce, amice, mox ei succurrere, disce saltem æquè bene sapere, ac ij qui in culinâ habitant, nõrunt enim ipsi parco, necnon exiguo aquæ jactu bullientem aquam citò confutare, sic vitulini sanguinis transfusione totam effervescentiam non te pudeat extinguere. Si vero congelatio, putredo, viriûque exolutio miserabile corpus obideant, disce ex ænopolis quibus concessum est vinum generosius debiliori, Andegavense Parisiensi, refinato Falernum admiscere. Sic iunge simul utrumque sanguinem, totamque dyseratiam celeriter immutabis, defacabis, & depurabis. *ἀμα γὰρ ἀλλότριον ἐφέλαμεν* innocuûmq; facit aut nocuum periticia medentium ut divinus senex insinuat in Epilept.

SIC non propter fervorem accendetur phlegmone, non bilis in Erosipelas ebulliet, non melancholia condensabitur in scyrrhum, non pituita putrescet in oedema; non etiam serum in hydropem exsurget, nec diffundetur in rheumatismum, nec massa denique sanguinea concreset in pleuritidem. At, inquires, pro amphorâ urceus, pro homine vitulus; ne timeas nisi iam audias bestia, metamorphosin ætates abiere, dij soli formas mutarunt & illas, nec amplius fabulosa circes pocula vigent, his *ἰχθυοειδὲς* aut *σαυροειδὲς*, non eò citius petes aquas, aut latibula ferarum; quid agas simia si fueris simia semper eris, sed magis sana, si pro mastiche myrobalanis &c. nostrum hoc usurpes apotema. E nosocomio quodam non ita dudum juvenis languens & exanguis exibat, & interibat vicies *φλεβοτομωθὴς*. Post celebratam semel hanc *διαχρῶν* (ut audivistis omnes & multi vidistis) ad suum nativam robur citò reversus est. Alter, ut scitis, mente & corpore male se habebat, (quia docet Aristoteles ex attenuato & refrigerante sanguine fieri animal sapientius) post transfusum ambrosium huncce succum diu mentem sanam servavit in corpore sano, nec (sicut olim Themistocles) epoto sanguine taurino, mortuus est.

REVERA cum nihil sonet sanitas quam sanguinis status, quid commodius ad eundem restituendum quam ex animali, gulæ ebrietati non serviente laudabilem humorem transfundere? quid operis & in hac re periculi, leviter tutò & iucundè, ut solet, ad aperta venâ, valvulæ statim patefunt, anastomases continuò sunt paratæ, cor veluti princeps illum liquorem per canales circuitorios transvehendum velut ad se subsidium expectat & excipit suis in ventriculis tanquam in basilicâ, eundemque mixtum fover, retinetque eos ambos tantisper morâ, mores ut induant principis, hoc est ut dum ambo concursuri sunt per omnes microcosmi regiones, partium nutriendarum typo, & figurâ magis ac magis accommodentur. Vno verbo liquor cum liquore chylus cum chylo, coctus cum cocto, sanguis cum sanguine, pares cum paribus sic legitimè congregati naturâ consentiente, non Hippocrate repugnante, suadente ratione, pluribus iam experimentis testibus unâ celebrant hymenæum ex quo *κατάνα* fortissima virginum ad monstrosos corporis humani foetus exturbandos ubique nascetur.

Ergo Sanguinis Transfusio salubris.

DOMINI DOCTORES DISPVTAVRI.

M. Anna Iousselin.
M. Guillelmus Ferrand.
M. Iulianus Boissineust.

M. Michaël Nepveu.
M. Michaël Maussion.
M. Iacobus Bailif.

M. Renatus Le Tourneux.
M. Petrus Hunault.



Proponebat Andegavi IOANNES NOEL DV TERTRE Cenomanus. A. R. S. H. M. DC. LXVIII.

ANDEGAVI, Apud IOAN. LE BOVLENGER, Typographum.